

公主府志

世系表  
公主編  
陵墓編

上

公主府世系表

世系表

公主府志世系表

己卯年乙未月

世系表

文睿華撰

始

祖

二

世

世

迪延車臣汗為元太祖成吉思

格增森札為迪延車臣

諾諾和多爾濟為格增森

汗十五世孫生於明天順八年

汗之五子生於明弘治

札之三子生於明正德八

薨於嘉靖二十二年享壽八十

七年薨於隆慶三年享

年薨於万曆十二年享壽

壽七十六

七十二

四

世

五

世

世

阿巴岱多爾濟為諾諾和

額列克多爾濟為阿巴岱

衣布多爾濟為額列克

多爾濟之長子生於明嘉靖

多爾濟之長子生於明隆

多爾濟之長子生於明

十一年薨於万曆四十一年享

慶五年薨於崇禎十一年

万曆二十八年薨於清

壽八十二

享壽六十八

康熙七年享壽六十九

七

世

八

世

九

世

察琿多尔濟為衣布多尔濟之子生於明崇禎十一年薨於清康熙三十八年享壽六十二

葛勒旦多尔濟為察琿多尔濟之長子生於清順治十四年薨於康熙三十一年享壽三十六

惇多布多尔濟為葛勒旦多尔濟之長子生於清康熙十五年薨於乾隆八年享壽六十八

十

世

十一

世

十二

世

根札布多尔濟為惇

倉達布多尔濟為根札

齊木多尔濟為倉達布多

多布多尔濟之長子生

布多尔濟之長子

尔濟之長子

於清康熙五十八年薨於

(次于出家)

乾隆二十五年享壽六

刺麻札布為倉達布多尔濟之三子

十六

倉吉札布為倉達布多尔濟之四子

全札布為倉達布多尔濟之五子

根敦札布為倉達布多尔濟之六子

查達木多尔濟為倉達布多尔濟之七子

車布登多尔濟為根札布多尔  
遜都布多尔濟為車布登多  
尔濟之子生於清康熙五十八  
年薨於乾隆三十九年享壽  
五十六  
薨於五十六年享壽五十四

根登多尔濟為根札布多  
策望多尔濟為根登多尔  
尔濟之三子  
濟之长子

官策克札布為根登多尔  
濟之次子

(三子出家)

達木曲克札布為根登多  
尔濟之四子

慶速運札布為根登多尔  
濟之五子

塔西札布為根登多尔濟  
之六子

策克多尔札布為根登多  
尔濟之七子

札木森格札布為根登多  
尔濟之八子無嗣

貢卜多尔濟為根札布  
查嘎多尔濟為貢卜多  
尔濟之五子  
尔濟之长子

(次子出家)

依西多尔濟為貢卜多

尔濟之三子無嗣

鴻格勒多尔濟為貢卜多

尔濟之四子無嗣

察布干多尔濟為根札  
羅布桑多尔濟為察布干

布多尔濟之六子  
多尔濟之长子

阿達布多尔濟為察布干

多尔濟之次子



察丹多尔济為根札布  
多尔格多尔济為察丹多  
尔济之长子

達格達多尔济為察丹多  
尔济之次子無嗣

察渥多尔济為根札布  
林達多尔济為察渥多  
尔济之子

十 三 世  
十 四 世  
十 五 世

那木吉多尔济為齊木  
札木布多尔济為那木  
吉多尔济之子  
寶音為札木布尔多尔  
济之子

拉幄多尔济為齊木多  
尔济之次子無嗣

哈速龍多尔济為齊木多尔  
济之三子無嗣

拉札布多尔濟為齊木多  
尔濟之子無嗣

巴音珠多尔濟為齊木多  
尔濟之五子

戚速勒格多尔濟為刺麻  
札布之子

巴勒旦多尔濟為舍頓札  
布之长子

吉穆多尔濟為巴音珠多  
尔濟之子無嗣

丹津多尔濟為戚速勒格  
多尔濟之子無嗣

班丕勒為巴勒旦多尔濟  
之长子

班丕勒為巴勒旦多尔濟  
之次子

巴達尔為巴勒旦多尔濟  
之三子無嗣

烏勒因納生為班丕勒之  
子

月索圖多尔濟為班丕勒  
之子

依勒更為巴勒旦多爾濟  
之四子殘遺格殺嗣孫有子

札木察格多爾濟為倉頡  
札布之次子  
依阿登木多爾濟為札木察  
格多爾濟之子無嗣

汪沁多爾濟為倉頡札布之

三子無嗣

青布拉多爾濟為倉札布  
桑木騰多爾濟為青布拉  
溫德蘇為桑騰多爾濟  
之長子  
多爾濟之長子  
之長子

拜依計虎為桑木騰多  
爾濟之次子

寶布多爾濟為青布拉

多爾濟之次子無嗣

根車克多尔濟為全札布  
之次子  
察伯拉多尔濟為根車克  
多尔濟之子無嗣

察布多尔濟為全札布之  
三子  
尼瑪多尔濟為察布多  
尔濟之子無嗣

三子

農業多尔濟為全札布之  
四子無嗣

四子無嗣

那尔布多尔濟為根敦札  
布之次子無嗣

那尔布多尔濟為根敦札  
布之次子無嗣

倉布多尔濟為根敦札布  
之次子無嗣

之次子無嗣

尼布多尔濟為遜都布多  
德穆楚克多尔濟為尼布  
那森多尔濟為德穆楚

尔濟之次子生於清乾隆二  
多尔濟之次子生於清嘉慶  
克多尔濟之子生於清道

十四年薨於嘉慶七年享  
十六年薨於同治七年享  
光緒十八年

壽四十四

壽五十八

享壽六十三

德力格多尔濟為尼布多尔  
濟之次子北駐庫倫

汪慶多爾濟為遜都布多爾濟之次子

德力多爾濟為汪慶多爾濟之子北駐庫倫

七生札布為策望多爾濟之次子

察克圖為七生札布之次子北駐庫倫

老不生札布為策望多爾濟之次子無嗣

七力格圖為七生札布之次子北駐庫倫

青札布為策望多爾濟之三子無嗣

察格旦為策望多爾濟之四子出家無嗣  
七力格多爾濟為官策克札布之次子無嗣

色楞敦多布為官策克札布之次子無嗣

雲登多尔濟為達木曲克  
札布之子無嗣

節多尔濟為慶遠運札布  
之子無嗣

塔多尔濟為塔西札布之子  
無嗣

察格丹札布為查嘎多尔  
濟之長子

察札布為查嘎多尔濟  
之次子無嗣

永昌多尔濟為羅布桑多  
尔濟之長子

札布為羅布桑多尔濟  
之次子無嗣

班楚克多尔濟為羅布

桑多尔濟之三子無嗣

阿拉時納多尔濟為察格  
丹札布之子

僧丕力多尔濟為阿拉時  
納多尔濟之子

巴依力圖為永昌多尔  
濟之子

敦古尔札布為羅布桑多  
尔濟之四子無嗣

巴圖為阿達布多尔濟之子

德瑪為巴圖之子性悍因格  
殺依勒更被逐出籍

元尼模札布為多尔格多  
尔濟之子

鄂氣勒多尔濟為元尼模  
札布之长子

諾生多尔濟為鄂氣勒多  
尔濟之子

鄂勒德尼多尔濟為元尼  
模札布之次子無嗣

贊巴多尔濟為林達多尔  
濟之子

阿魯特賀泰為贊巴多尔  
濟之子一名佛紹先

都固尔札布為阿魯特賀  
泰之子一名佛瑞

十六世

十七世

十八世

薩林太為寶音之子

青格勒札布為烏勒圖

納生之子一名善根尔

阿瑪爾博音為月索因  
多爾濟之子

補音德勒格為溫德蘇  
之子

吉林泰為拜依計虎之子

綑楚克多爾濟為那森  
多爾濟之子

納孟博音為僧丕力多  
爾濟之子

楊登多爾濟為諾生多爾  
濟之長子一名雲山

力格登多爾濟為諾生  
多爾濟之次子一名華  
山



富山為諾生多尔濟之

三子

貴山為諾生多尔濟之

四子

佛慧山為都固尔札布

之嗣子

世系簡表

世系簡表

一世

廸延車臣汗

二世

格埒森札

三世

諾諾和卓爾濟

四世

阿巴岱多爾濟

五世

額列克多爾濟

六世

衮布多爾濟

七世

察琿多爾濟

八世

葛勒旦多爾濟

九世

惇多布多爾濟

十世

札根布多爾濟

十一世  
十二世  
十三世  
十四世  
十五世  
十六世

倉達布多尔濟

倉頤札布

全札布

齊木多尔濟

刺麻札布

那木吉多尔濟

拉帳多尔濟 無嗣

哈速龍多尔濟 無嗣

拉札布多尔濟 無嗣

巴音珠尔多尔濟 吉穆多尔濟 無嗣

威速勒格多尔濟 丹津多尔濟 無嗣

巴勒旦多尔濟

班丕勒

巴達尔 無嗣

依勒更

札木察格多尔濟 依阿登木多尔濟 無嗣

汪慶多尔濟 無嗣

青布拉多尔濟

根車兄多尔濟

察布多尔濟 尼瑪多尔濟 無嗣

札木布尔多尔濟 寶

音 薩林太

烏力圖納生

月察圖多尔濟

阿瑪尔博音

青格勒札布

有子 嗣子

温德蘇

拜依虎

補音德力格 吉 林 泰

桑本騰多尔濟 無嗣

察伯拉多尔濟 無嗣

農業多尔濟 無嗣

根敦札布

那尔布多尔济 無嗣  
人臣布多尔济 無嗣

查達木多尔济 無嗣

厄布多尔济

德穆楚克多尔济 北歸  
德力格多尔济 北歸

那森多尔济 綏楚克多尔济

車布登多尔济

遜都布多尔济

汪慶多尔济

德勒多尔济 北歸

七生札布

察克因 北歸  
七力格因 北歸

察望多尔济

老不生札布 無嗣

青札布 無嗣

察格旦 出家

官察克札布

七力格多尔济 無嗣

色楞敦多布 無嗣

根登多尔济

拉望札布

出家

達木曲克札布

雲登多尔济 無嗣

慶速運札布

節多尔济 無嗣

塔西札布

塔多尔济 無嗣

策克多尔札布

喇嘛

布多尔济 無嗣

札木森格札布 無嗣

查嘎多尔济

察札布 無嗣

貢布多尔济

依西多尔济 無嗣

鴻格勒多尔济 無嗣

永昌多尔济 巴依力图 無嗣

札 布 無嗣

班楚克多尔济 無嗣

敦古尔札布 無嗣

察布干多尔济

羅布桑多尔济

阿達布多尔济 巴

圖 德 瑪

有子 出嗣

察格丹札布 阿拉時納多尔济 僧不力多尔济 納孟博音

察丹多尔濟

多尔格多尔濟  
元尼模札布

達格達多尔濟  
無嗣

鄂勒德尼多尔濟  
無嗣

鄂氣勒多尔濟  
諾生多尔濟

楊登多尔濟

力格登多尔濟

佛富山

佛貴山

察雅多尔濟  
林達多尔濟  
贊巴多尔濟  
阿魯特質泰  
都固尔札布  
佛慧山  
嗣子





公主府公主編

公主編

古之人或有發跡於幽遐者或有樹聲於荒邈者不惟其地其材有可記者紀之而已苟厥匹夫匹婦有決於義行者亦必書而錄焉此史籍之所以書名列傳流芳後世者也盛清之初嘗以三世公主下嫁土謝圖汗而公主之言行事跡本無可紀述者且以府人後裔對於先人公主之芳勲偉績必有專篇記載始克追宗遺風美德故本志之所以另立編目者義在斯也

案公主府人初為外蒙古喀爾喀部土謝圖汗之後裔嘗三尚清室公主而三世額駙詳見於世系沿革編內惟滿清聖祖皇帝因以婚姻政策擺絡蒙古嘗謂蒙古之於清室不啻

漠北一座長城云爾以此觀之清室使用和親手段緯繫外蒙  
固為躊躇滿志一要政也惟厥三代公主除最末一世係為親  
王之女應稱之為郡主外前此二代公主皆為皇帝之親女耳  
季清之際所有各種野鈔雜誌對於三代公主事跡絕少記載  
惟胡平府志畧有述及第以所述與事實不符故亦不能依為  
根據民國以後鄭裕孚及樊庫等編修歸綏縣志及綏遠各縣  
調查概要迺引據胡平府志敘述公主府事嗣至民國二十年  
後郭并卿先生等編修綏遠通志復據以上三志乃列公主府  
於故宮篇內一錯再錯以致公主府之真象實蹟世人莫能明  
晰而各志所誌不僅時地有所闕畧而於三代公主暨額駙之

名諱實跡亦多訛書錯紀此尤本志所應訂正者也三代額駙  
詳見本志世系沿革編第八第九第十世各條

靜宜公主

公主府之第一次娶公主者為外蒙喀爾喀部土謝圖汗第八  
世札薩克葛勒旦多爾濟也當時額駙之父察琿多爾濟尚未  
即世部象寢繁勢力正盛又以幼弟名羅布藏旺比札木薩擁  
為外蒙古第一世活佛舉凡喀爾喀諸部之政教權柄悉操於  
土謝圖汗之手清廷世祖欲使外蒙永奉正朔乃用和親之計  
以為羈縻蒙古政策爰將順治皇帝之第四公主許嫁察琿多  
爾濟之長子葛勒旦多爾濟焉又以公主為章皇帝之第四女

免故通稱之為四公主千歲惟後之編方志者竟將第一次尚  
主之額駙及第二次尚主之額駙誤成一人迺致閱者弗克辨  
白真象本志已辨正於世系沿革編內此處無詞費焉至公主  
釐降之時世祖業已賓天未幾察琿亦告逝世聖祖玄燁東遵  
世祖遺詔入嗣大統因念土謝圖汗捍衛藩籬之功迺於察琿  
頌文下祭文中言及秦晉聯盟語意頗為悲切無何晉額駙為  
多羅郡王此為土謝圖汗受封王爵之始也

皇清四公主德政碑記欽惟我公主回千歲 德 民深仁  
育物太和翔洽□人遊熙阜之天者三十余年

清聖祖御賜祭察琿文噶爾丹不道日尋干戈乃去國來歸

傾心內附朕不忍尔部衆之陷於死亡优加撫納处之水草之  
地以食廩牛羊降結婚姻示垂永好

瑞芝堂詩鈔父老相傳當前清康熙朝故以羈縻政策使外蒙  
永奉正朔乃以某公主下嫁於土謝圖汗某王世子为和親計  
佛氏先人逸聞錄公主府先人自察琿達勒計因与額魯特战  
敗始向南來當時清朝兵力正盛聖祖仁皇帝久欲示好外蒙  
湊我祖人察鴻未見嘉賓賢主一見如故聖祖隨以四妹賜嫁  
察鴻长子諱葛勒旦多尔濟者为妻

七世先人年表曰第一世先人諱葛勒旦多尔濟乃土謝圖汗  
諱察鴻達勒計之长子也生於清順治十四年四月尚章皇帝

第四女靜宜公主為妻公主酷愛歸化一帶之風景优美延奏  
請朝廷欲留居此地當蒙朝廷俞允乃建府於歸化城北五里  
即今本府是也惟葛勒旦天不永年歿於康熙三十一年溘然薨  
逝享年三十六歲

崇民國初年陳籙所著之蒙事隨筆謂額駙所尚之公主為  
康熙皇帝之第四女兒殊不知公主薨降實在康熙二十八  
年當時聖祖年不過三十上下而公主下嫁芳齡已臻及笄  
可知聖祖年當十二三歲時即生公主也矣惟公主行居第  
四故清水河德政碑記稱之為四千歲焉而公主既居行四

其大二三妙當在聖祖三四歲時即出生耶以此推之四公

主必非仁皇帝之女實為仁皇帝之妹章皇帝之女也陳錄  
所紀蓋亦荒言其事耳又據府人佛瑞佛氏先人逸聞錄及  
佛榮山七世先人年表二書均謂察鴻達勒計之長子葛勒  
旦多爾濟尚順治帝之第四女兒並未云為聖祖之女可見  
陳錄所言不足據也詳見本志世系沿革編此處弗詞費焉  
惟考士謝圖汗歸降滿清事在與厄魯特戰敗以後當在康  
熙二十七年間耳葛勒旦既高公主以後四載蜜月即告薨  
逝公主年當青春婺居空幃亦淒涼事也據清水河所出現  
之石刻二十四賢孝像及神謎碑語揆之公主雖然寡居在  
府除教養子女輩外酷好提倡孝風欲使塞外玩民尽曉人



問孝道故刻有無數石像懸諸各大戶家藉此喚起世道人心此外又好儲金濟貧故有刻立謎語碑事皆詳本志金石編註公主善書法喜讀孝經故其刻懸賢孝像者良有以也佛瑞逸聞錄有我族素以孝睦傳家之語概可信矣至察瑋薨後朝廷祭文有降結婚姻一語即指四公主下嫁葛勒旦之事言耳惟佛榮山及佛瑞所言之察鴻達勒計即察瑋多爾濟字音之轉也

靜宜公主釐降年月

四公主下嫁額駙葛勒旦多爾濟當在清康熙二十八年七月間也當時塞外氣候正在秋爽之際山明水秀氣象万千是故

公主不願遠適外蒙而竟建府留居於此者殆以是乎

先人逸聞錄先祖葛勒旦嘗有大功於朝廷朝廷不忘大功乃於康熙二十八年夷則之月將四公主賜嫁先祖並於歸化城北建立府址先祖葛勒旦多爾濟與公主同居止焉此地枕山帶河風景蒸佳為先祖與公主所喜玩賞處址即今本府第也案佛瑞所言四公主下嫁額駙時實在康熙二十八年夷則之月夷則即七月也案今公主府一帶每年以七月間之風景最佳當時公主適於此時蒞臨此地其不願意非去者良有故也

靜宜公主階級封号

公主府懸有匾額中書大字曰靜宜堂又有懸匾曰靜定長春  
考歷朝公主皆有封号不僅滿清為然歷漢晉唐宋無然也案  
此靜宜二字即為公主封号惟何階級則尚不可考知

七世先人年表第一世先人諱葛勒旦多爾濟乃土謝圖汗  
諱察鴻達勒計之長子也生於清順治十四年四月尚章皇  
帝第四女靜宜公主為妻

綏遠通志稿或疑北郊府中有靜宜堂匾額師範學校今猶  
珍惜保存之此靜宜二字殆與公主之稱号有关歟

案前朝廷規定凡尚公主之額駙必無前妻者始得許尚  
焉惟葛勒旦尚主時先有正妻而悼多布多爾濟乃先妻

所生也佛榮山謂府中所懸之靜宜堂匾以其靜宜二字卽為  
公主封号惟郭并卿等編修綏遠通志時尚未必定其封号蓋  
亦未嘗見及榮山所著之年表欵顧謂師範學校今猶珍惜保  
存之語實係揣摩之言蓋當時校長為一劉姓漢人其於府中  
古物毀之殆尽既未代為保存烏可言及珍惜今此匾額雖仍  
存在實係失後復得之物固非當時學校之保存物矣至公主  
冊封儀典暨釐降儀式皆於下篇明之

### 恪靖公主

尚恪靖公主之額駙曰惇多布多爾濟為察琿之孫葛勒旦先  
妻所生之長子也先是封公主為和碩恪靖公主尋晉封固倫

公主公主為聖祖仁皇帝之第六女兒為人恭儉柔順不恃皇家之驕下嫁以後即隨額駙北歸外蒙土謝圖汗王府矣公主善教妯娌嫻於禮教外蒙二百餘年潛心內附者亦此公主之闡教所感喚歟

蒙古游牧記察琿多爾濟長子葛勒旦多爾濟康熙二十五年隨父赴庫倫伯勒齊爾盟又子惇多布多爾濟尚和碩恪靖公主又注四十六年上由喀喇河屯巡視蒙古諸部駐蹕德爾濟庫木都和洛博多布多爾濟偕公主來迎駕幸其第又注冊文曰咨爾恪靖公主乃聖祖仁皇帝第六女也毓秀紫微

分輝銀漢

先人逸聞錄先祖人諱惇多布多爾濟為第一世額駙先祖人葛勒旦多爾濟之前子也娶康熙皇帝第六女兒先封和碩恪靖公主嗣晉固倫公主生四子公主溺愛次子額璘沁多爾濟迨惇多布薨迺以額璘沁襲王爵乾隆二十年上峯命額璘沁監護叛賊阿穆爾入京詎知額璘沁一時粗心被給中途遁去阿賊朝廷怪其大意削爵賜死本府先人失去王爵實自此始額璘沁既死降封根札布多爾濟固山貝子根札布乃公主長子也自斯而後世世以貝子相襲弗克復王爵矣

七世先人年表曰第二世先人諱惇多布多爾濟尚恪靖公主又公主品性溫柔能和妯娌王府上下莫不極口稱頌所生第

三世先人弟兄四人以長子諱根札布多爾濟改襲貝子爵

案陳錄蒙事隨筆謂外蒙土謝圖汗有曾尚康熙皇帝之

第四女者意為第六女之誤欵據今公主府人名青格勒札

布者言六公主初於下嫁以後先居今此府址幾年以後應

隨額駙意求始與同歸外蒙即此已可推見公主固為溫順

人也惟厥溺幼抑長實為古今婦人之通病焉兼以次子額

璘沁紈袴成性案情案理皆無襲爵可能詎以一時偏愛迺

不僅禍至褫爵奪俸竟至賜死命盡是亦公主忠厚有余智

力不及之虞也雖致於斯而尚投有貝子爵在殆亦朝廷念

及公主苦心孤詣忠於家國之恩施惠顧乎

恪靖公主釐降年月

六公主於康熙三十年下嫁額駙當時翁公葛勒旦多尔濟尚  
未薨逝而四公主與六公主適為姑姪至親其相親愛也情意  
可知惟六公主下嫁之月日未可考知抑微憾也

游牧記葛勒旦多尔濟康熙二十五年隨父赴庫倫伯勒齊尔  
盟授札薩克二十七年來歸三十年封多羅郡王子孛多布多  
尔濟尚和碩恪靖公主

先人逸聞錄當時以公主排行居六故通以六公主相稱焉於  
康熙三十年釐降

七世先人年表六公主於下嫁之翌年即同額駙北歸庫倫居



於土謝圖汗王商據族老傳言六公主薨降當在康熙三十年  
北歸庫倫自係三十一年也

案六公主下嫁張穆及府人二佛氏皆言時為康熙三十年  
自可信矣惟其月日府人亦無知者姑闕疑之以待後之方  
聞者証焉茲據欽定外藩蒙古回部王公表傳謂葛勒旦多  
爾濟於康熙三十一年卒以此一語觀之則知六公主下嫁  
之翌年其翁公即已薨逝矣又據滎山所言六公主於下嫁  
之翌年即同額駙北歸庫倫以此度之額駙之父薨逝適  
與公主之北去同在一年之間意公主之立征當在葛勒  
旦新喪之後乎

恪靖公主階級封号

康熙三十年封六公主为恪靖公主和碩階級當時禁内頗有  
敬慎令譽雍正元年晋封固倫階級芳規弥勵柔順益彰固为  
三代公主中之至仁至德者也

游牧記喀尔喀後路中旗康熙三十年注册文曰典崇釐降  
帝女戒以欽哉詩美肅雍王姬詠其穠矣既嫺内治宜被殊  
榮咨尔和碩公主乃朕之女敬慎居心柔嘉維則毋儀克奉  
教夙稟於在宮婦德無違譽尤彰於築館出銀潢之貴派作  
配高閔備玉牒之懋親其襄宗國鳳古允協象服攸宜是用  
封尔为恪靖公主錫之金冊謙以持盈益篤興門之祜貴而

能儉永垂宜室之聲勿替令儀尚緩厚祿欽哉

又雍正元年注冊文曰鸞書由錫恩必厚於本支衆服增崇  
誼每殷於同氣載稽令典用賁殊榮咨尔恪靖公主乃聖祖  
仁皇帝第六女也毓秀紫微分輝銀漢承深宮之至訓無怠  
遵循緬女史之芳規宜懷匪勉朕纘承大寶仰体鴻慈聿宏  
錫類之仁特沛絲綸之命是用封尔为恪靖固倫公主錫之  
金冊謙以持盈弥勵恭敬之節貴而能儉尚昭柔順之風克  
樹令儀永膺多福欽哉

逸聞錄先祖人諱悖多布多尔濟为第一世額駙先祖人葛

勒旦多尔濟之前子也娶康熙皇帝第六女兒先封和碩恪

靖公主嗣升固倫公主

先人年表第二世先人諱惇多布多爾濟尚恪靖公主

案榮山作表初以葛勒旦為第一世先人蓋以公主府之尚  
主者當以葛勒旦為始故以葛勒旦居第一世意原斯乎以  
此順推惇多布適居二世是故云爾據大清會典清代公主  
郡主皆有固倫和碩多羅等階級等次不同俸祿儀式均有  
差別和碩大於多羅而固倫更大於和碩其最低者曰固山  
各級公主儀衛典式以及建置騎乘暨下嫁禮節等事皆明  
於下篇此處不復贅焉

和碩格格

清時格格為郡主之通稱滿洲語也和碩格格為睿忠親王多  
爾袞之五世孫女睿恭親王之第五姑也生性和藹頗有淑德  
於雍正元年下嫁額駙根札布多爾濟根札布多爾濟為恪靖  
公主之長子惇多布多爾濟之嫡嗣也

大清會典凡親王以下皇族之女皆稱格格親王女曰郡主  
稱和碩格格郡王女曰縣主貝勒女曰郡君皆稱多羅格格  
貝子女曰縣君稱固山格格鎮國公輔國公之女曰鄉君但  
稱格格

清史多爾袞列傳王嗣子多爾博歸本宗恩封多羅貝勒生  
蘇爾發襲固山貝子生塞勤塞勤生功宜布皆襲輔國公功

宜布生如松襲多羅信郡王淳穎如松第三子也乾隆三十  
六年四月親信郡王修齡所遺奉恩輔國公四十三年正月  
上既追復多尔衮舊封命襲封和碩睿親王又嘉慶五年閏  
四月署健銳營事十一月薨年四十上念其人品端方奉職  
勤慎輟朝三日親臨賜奠諡曰恭

年表第三世先人諱根札布多尔濟尚和碩格格為清初親  
王多尔衮之第五世孫女也

逸聞錄和碩格格好書畫性情溫和傳於雍正元年五月間  
下嫁先祖人諱根札布多尔濟者是為清室公主第三次之  
釐降矣

案根札布多爾濟所尚郡主乃功宜布之五女也據清史  
謂自多爾袞奪親王爵後至功宜布僅襲輔國公爵功宜  
布子如松晉襲郡王如松子淳穎始復親王案大清會典  
謂親王女曰郡主稱和碩格格而此和碩格格既係功宜  
布之五女蓋為輔國公之女耳只可稱之鄉君不能稱為  
郡主只可稱之格格不能冠以和碩二字顧府人竟稱之  
為和碩格格者究何故耶竊意郡主於雍正元年下嫁後  
即居今之公主府邸當時自稱鄉君格格固為職份然也逮  
至乾隆四十三年既而追復多爾袞之親王故爵復封淳穎襲親

王爵此時郡主為淳穎之姑朝廷惠及遠親晉封之為和碩格格且晉為

郡主職份此固順理成章之事似無若何疑也今之府人動以和碩格格追稱之者殆茲故歟

以上三代公主惟四公主不知為何階級府人亦無存考知今觀四公主初至此地之時三建府邸三度遷徙豎碑刻石墾地闢田權力高於塞外眷寵重繫廷禁又係聖祖皇妹而聖祖六女尚封固倫公主其於皇妹之封職似應超而上之至低亦得平級方可且以聖祖素睦昆季敦善姊姊當時公主下嫁本是一種和親政策其於四公主之高爵厚封固亦意中事也以此度之四公主之階級抑在固倫之列歟



考固倫固山初為清代所封公主之階級名稱皆滿洲語也  
固倫為郡國之義又有尊貴之意即金史所謂國論是也至  
清之時惟公主始得冠以固倫之名猶宋元之稱某國公主  
然也至於固山二字滿洲語為人之美稱有加於男官爵上  
者如固山貝子固山額真固山章京等是女子則維貝子之  
女兒為固山格格至於和碩二字滿洲語為旗之意也即部  
落之謂又為方隅之義清代親王公主皆冠以和碩二字用  
為美稱其名亞於固倫又稱之為和碩格格即上文根札布  
多爾濟所尚之和碩格格是也多羅二字亦為滿洲語之美  
稱有加於爵上者如多羅郡王多羅貝勒等是女子則郡王貝

勒之女称为多羅格格

據大清會典固倫公主乘暖轎一金黃雲綺蓋紅雲綺緯紅

綠蓋角金黃雲綺垂檐銀頂余制與親王同朱輪車一幃蓋

檐銀頂均與暖轎同絳繡曲蓋一以絳紵絲繡寶相花余制

與親王曲蓋同絳繡寶相花繖二置柄余如曲蓋孔雀扇二

高二尺四寸五分廣二尺二寸用絳羅繡孔雀合竹朱柄長

九尺二寸青花扇二以皂羅繡四季花文余制同孔雀扇廻

避二黑雲綺三角熏竹竿長丈有三尺上安飾金頂垂朱髦

骨朵立瓜卧瓜吾文各二制均如親王又和碩公主無寶相

花扇車轎紅綺緯金黃蓋角制與固倫公主同又郡主儀衛

自備充用皆不由部製造又公主郡主冠頂皆三重郡主以  
下皆二重上用紅寶石飾以東珠固倫公主飾珠十和碩公  
主九郡主八縣主七郡君六縣君五又公主郡主用翟鳥龍  
文滿翠繡繒又固倫公主視親王和碩公主郡主視世子案  
王飾東珠四用圓龍文四前後正龍  
左右旁龍世子飾東珠三旁龍圓文四

又理藩院於固倫公主俸千兩幣三十和碩公主俸二百兩  
幣十有二郡主俸百五十兩幣十又固倫公主養馬四十五  
坐馬十有五和碩公主養馬四十坐馬十有三郡主養馬三  
十五坐馬十又冊封公主冊用金製以內閣侍讀學士翰林  
院讀講學士侍讀侍講禮部郎中員外郎主事充正副使至

日設節案於公主府聽事正中前設香案在左設冊案設公主儀衛於庭正副使自太和殿持節往封均如王等受封之儀及府第公主率所屬官命婦朝服跪迎於大門內道右候過隨入及聽事正副使陳節冊於案退就案東立西面公主就拜位北面立樂作行六肅三跪三叩禮興進至香案前跪宣讀官宣冊訖正使奉冊授女官女官跪接以授公主祇受仍授女官公主興復位行六肅三跪三叩禮樂止正副使出公主跪送節如初迎儀又凡郡主縣主郡君每五年由部彙請冊封冊以紙製余儀與福晉夫人受封同案福晉夫人受封至日設節冊案於王等殿堂設儀衛於庭正副使持節往封福晉等朝服跪迎正副使設節冊於案迺就拜位宣冊受冊行礼畢正副

使出福晉等跪送節儀  
並與公主受封回

又凡公主釐降之禮先期內務府行欽天監諏吉額駙采服

恭竣於乾清門命大臣之夫婦偕老者一人傳旨以某公主

擇配某人額駙祇受命謝恩行三跪九叩禮畢退迺誅吉行

納采禮是日質明額駙詣午門恭進駝馬酒筵光祿寺其饌

所司張燕設樂於保和殿暨皇太后宮屆時與燕之王公大

臣暨侍衛咸采服入額駙之父率族人咸朝服先詣慈寧門

外行三跪九叩禮迺詣保和殿序立丹陛上各如儀皇帝龍

袍宸服御保和殿陞座鴻臚寺贊禮如儀額駙率族人於殿

外丹陛上行三跪九叩禮引入殿各就席坐進茶訖進酒大

臣恭進皇帝觴額駙父率族人出班跪左右北嚮行一叩禮  
畢復位坐賜進酒大臣酒廻編爵進饌作樂升歌既撤燕額  
駙父率族人出就丹陛拜位謝燕行一跪三叩禮畢皇帝還  
宮額駙率族人詣皇太后皇宮門前行三跪九叩禮畢退  
是日皇后率妃嬪具吉服詣皇太后宮如常儀額駙之母率  
族中諸婦咸朝服入宮門序立丹陛上皇太后吉服陞座引  
禮女官引額駙母率諸婦就拜位行六肅三跪三叩禮入殿  
皇后以下各就席坐進茶訖進酒命婦恭進皇太后觴額駙  
母率諸婦出班跪丹陛左右北嚮行一叩禮畢復位坐賜進  
酒命婦酒廻編爵進饌作樂升歌既撤燕額駙母率諸婦出

就丹陛拜位謝燕行二肅一跪一叩禮畢皇太后還宮皇后率  
妃嬪各還宮額駙母率諸婦詣皇后宮行六肅三跪三叩禮畢  
退

又既諏吉釐降豫期所司以近支福晉夫人名氏奏請欽照一  
人送嫁以內務府官率護軍導從護送及齋送裝奩以命婦充  
襄事女官前一日額駙族人詣乾清門皇太后宮門前行謝恩  
禮至日陳設奩具女官率女侍先詣額駙第祇候額駙具馬駝  
甲冑牲酒饌筵詣午門恭進如納采儀鑾儀校舁奩具齋奩官  
導行至額駙第女官率女侍鋪張是日公主吉服詣皇太后皇  
帝皇后前行禮如儀屆時欽天監以升輿吉時告公主迺自宮

門升與女官前引後從出宮門外儀衛前列各官導護如儀  
送嫁福晉夫人乘輿隨行至門儀衛止輿入至儀門各官止  
立至聽事中降輿女官前引入室送嫁之福晉夫人隨入額  
駙禮賓於聽事女賓禮於中堂饗各執事人合卺吉時屈迺  
設燕行合卺禮禮成衆賓皆退是日燕於保和殿皇太后宮  
如納采儀翌日公主朝服詣太后皇帝皇后宮行礼額駙朝  
服詣宮門外行礼各如儀又若公主下嫁外藩納采及下嫁日  
只進牲酒不進饌筵余儀同

案額駙為滿洲語即古之駙馬也駙馬初為官名漢置駙馬  
都尉掌駙馬謂掌副車之馬也魏晉以後尚公主者皆拜駙



馬都尉世人因稱主婿為附馬白居易詩有戚里誇為賢駙  
馬之句迨至清代改稱駙馬為額駙其義相同惟尚固倫公  
主者稱為固倫額駙尚和碩公主者曰和碩額駙名辭雖異  
意義則同至於福晉夫人亦為清時制度福晉滿洲語即正  
室之意親王郡王及親王世子郡王長子其正妻皆稱福晉  
惟夫人則非禮記所謂諸侯之妻亦非通典之天子三夫人  
乃係婦人封号凡執政以上者妻母封夫人蓋即官至一品  
二品以上者之妻母也 又案大清會典公主出行備迴避  
牌業見上文引句今公主府留有迴避牌已殘廢無柄意即  
根札布多爾濟所尚之恪靖公主所遺留乎詳見本志金石編

公主府陵墓編

陵墓編

蓋人生一世善惡不同概以各人之行為所異以也至於既死以後其為善者流芳百世而為惡者則貽臭万年彼流芳者使後人追懷景慕或經營其故壘遺墟或歌頌其陳跡手澤眷戀之情有如不死然也惟彼貽臭者則見惡後世假葬疑塚猶不能免人發掘之愆此亦未死之前所自作而既死以後之所自受者耳古謂生不同而死則一者殆抑不尽然乎斯編專紀公主府先祖人之陵墓情景以為後人有所考見亦要紀也

案前人纂修方志多將陵墓列於古蹟部門而本志範圍較小編目亦少故另立專條並不附諸任何部類抑亦修志述

史之簡法而易於醒目者歟

土謝圖汗陵

陵在外蒙古土謝圖汗部庫倫城南汗山東首偏北處土拉河  
北岸之山谷深处並無封樹固為蒙古古風俗也陵苑近處禁  
止行人游牧謂係土謝圖汗察琿多爾濟之陵苑也

蒙古游牧記察琿多爾濟康熙三十八年卒注御賜祭文曰  
狡寇既平謂尔保有富貴逸樂以圖長久溘焉沮逝深用憫  
傷嗚呼矢憫方殷忽促桑榆之景飾終無替永增泉壤之光  
牲醴往頒灵其歌格

葉子奇草木子元諸帝陵皆在起輦谷其國制不起墳壠葬

畢以万騎蹂之使平殺駱駝子於上以千騎守之來歲春草既  
生則移帳散去弥望平行人莫知也欲祭時則以所殺駱駝之  
母為導視其躑躅悲鳴之處則知葬所矣故易世之久子孫亦  
不能識也

徐蘭謁元世祖陵詩注陵無封樹獵者或踐其地輒有風雷之  
異詩云聞昔朱明修祀典曾命礼臣巡禹甸伏羲下逮宋理宗  
三十六陵皆祭徧祁連因未入提封欲齋香帛無由從埽階席  
屋順天府春秋遙望青芙蓉芙蓉青青乱雲宿中有三間老瓦  
屋征人遙望綠琉璃知是元家起輦谷

張文端公奉使日記出歸化城行九里入祁連山此山亦名祁

連非甘伊以西之祁連也遠望石峯疊翠入其中則平阜蜿蜒  
相傳元世帝后俱潛厝此山而不立陵墓

綏遠通志稿古者匈奴突厥及蒙古俗凡葬皆無封樹因游牧  
無定居不欲留其蹟也是以自秦漢以來稱單于号可汗者甚  
多而长城以北迄未見一顯存之塚即鮮卑族之北魏其金陵  
亦僅存其名而不能確指其地者職是故耳

案土謝圖汗察琿多尔濟乃清章皇帝之親翁詳見本志世  
系沿革編其祭文乃係聖祖所作蓋以察琿薨於康熙年間  
故也據府人謂察琿以前凡土謝圖部各代王汗下及博多

布多尔濟皆葬此陵今有綳楚克多尔濟一作綳楚克車林

者為公主府古貝子之後裔亦即土謝圖汗之裔也每屆清明節及陰曆十月初一日必親往陵園掃祭以為慎追之意云爾惟其陵無封樹實為蒙古之古禮不足異焉顧至根札布多爾濟薨後葬於今府之東南四村水地始有墳堆名其墓曰老墳綳楚克多爾濟行輩最末與佛榮山為兄弟行今尚健在外蒙王府詳見世系沿革編此處毋須詞贅焉至元陵本在伊克昭盟宸金忽洛而張文端公徐蘭等所言元陵在歸化城西北祁連山中實誤指也以其非關本編庶不辯焉

靜宜公主墓

靜宜公主即四公主也其墓在汗山之陽山中鑿洞頗深邃用銀鑲檀木製棺洞頂橫有鉄杠用鉄索懸棺杠間其棺上不及風雨下不涉泥土蓋防多年腐朽以也

佛瑞逸聞錄上推七世先祖母四公主薨後北歸庫倫葬於汗山陽面山腰間鑿洞將棺掛於洞中下不涉泥水

崇山年表第一二三世公主薨後棺用檀木皆以銀鑲一二世公主均葬外蒙庫倫城南唯第三世和碩格格葬於府之東南老墳

崇四公主一生多居歸化城北今之府邸薨後葬於汗山之阿蓋觀佛瑞所錄公主生前並未北去據綏遠通志稿



言伊不願北去國所願也至其埋骨汗山之事抑為既薨以  
後扶柩北歸始葬斯乎惟其墓洞懸棺來往行人輒可窺見  
第禁游人畫圖拍照耳至其鑿窟懸棺抑為古人常有之事  
此處無須多證焉惟其不与額駙葛勒旦多爾濟同葬一定  
者未悉究何故也意者以為葛勒旦多爾濟早年薨逝又以  
蒙古風禮既葬以後不作封樹逮至公主逝世雖可尋覓陵  
苑之所在而終不得獲其葬穴是故弗克同葬焉又有以為  
四公主乃皇家枝葉不願深埋地下迺就汗嶽之陽鑿山等  
香以冀永存代馬狐邱殆亦思鄉之意云云斯語似較可信  
姑錄於此以備識者證焉

恪靜公主墓

恪靜公主即六公主聖祖仁皇帝之第六女也公主薨降以後即居外蒙土謝圖部王府既薨以後亦葬於汗山陽面位在四公主墓西側相距不過數十武耳其棺亦用檀木製成以銀鑲表懸棺洞內其懸法與四公主棺同唯洞外不能窺見棺襯

逸聞錄四公主薨後北歸庫倫葬於汗山陽面山腰間鑿洞將棺掛於洞中下不涉泥水迨六公主薨後亦葬於此惟墓洞在四公主墓西數十步山間葬具儀式均同四公主年表第一二三世公主薨後棺用檀木皆以銀鑲一二世公

主均葬外蒙庫倫城南

紫汗山在庫倫城南形如弓狀榮山言一二世公主皆葬  
城南者即指汗山而言今據府人善根爾言六公主之墓  
洞口甚小檀棺深寄洞內棺上積有銀鏤墨壘然弗知多少  
謂係聖祖皇帝出巡外蒙各部行至此山痛惜公主之玉  
頰香銷乃塞銀於洞內以為公主陰間使用云爾又據土  
默特旗右翼四甲五十家村杜爾格台站站丁蒙古人名  
雲壽者言彼於幼時嘗往外蒙游歷既至圍圖城南有旱  
山山之向陽處有一洞洞內銀塊頗多視之可見取之不  
及據當地蒙古人云當年康熙皇帝巡視北地蓄銀於此  
惟不知用意何在云云以上二說頗相近似雖屬縹渺之

譚要不失野老閒  
語風趣祇錄於此  
以備後人參閱焉

老墳

老墳墓地在今公主府東南美岱爾村東五里美岱爾山彎處  
山如簸箕形詳見本志山川編  
墳苑二十畝有欄墻  
院用甃砌成墻頂上  
椽作馬脊梁形  
欄墻四面各十五丈  
今已頽坍不完  
南墻作門二  
饗堂三間  
門居饗堂之間  
每堂闔三室  
室深丈有五尺  
寬各丈三  
室頂嵌瓦獸類等物  
欄墻中有墓五鍾  
橫排為堆成人字形  
最上者為根札布  
多爾濟及和碩格格之合葬墓  
墓高七尺  
紅色寶頂  
望之甚屬狀麗  
此墓脚下橫列二墓  
東者為車布登多爾濟之墓  
西者為都多爾濟之墓  
車布登乃根布及和碩格格之子也  
都多爾濟為根札

布之猶子不知何名墓皆甄頂較上墓畧小二墓脚下各立一墓為各人之子遜都布多爾濟及都多爾濟子之墓是也有守墳役人四戶每至埽祭時則由府中族長派人携祭品前往致祭祭禮甚為隆重及今未替

大清會典凡墳塋饗堂親王五間世子以下至輔國公皆三間親王世子郡王止繪五采皆覆綠琉璃瓦貝勒以下施朱不繪用甃瓦又固倫公主墳塋規制視世子郡王和碩公主視貝勒貝子縣主郡君縣君視鎮國公又親王守墓十戶郡王八戶固倫公主與郡王同貝勒貝子各六戶和碩公主郡主與貝勒同又凡墳院親王周百丈世子郡王八十丈貝勒

貝子七十丈鎮國輔國公六十丈鎮國輔國將軍三十五丈  
奉國奉恩將軍均三十丈又凡字塚人親王十戶世子郡王  
八戶貝勒貝子六戶鎮國輔國公四戶鎮國輔國將軍二戶  
又凡固倫公主墳塋規制視世子郡王和碩公主部主視貝  
勒貝子縣主郡君縣君視鎮國公

逸聞錄和碩格格薨後即與額駙合葬於四村水地之美岱  
村東墳地以此墳為本府在內蒙闢塋之最早者故以老墳  
稱之又每年清明節七月十五十月初一十二月十五等日  
由族長躬往掃祭或派人致祭每祭備羊五頭燒紙供菜奠  
酒香楮備極豐盛族中各派一人隨往奠祭屆時或有諉脫

不去者必由族長課以不敬不孝之罪此殆四公主崇尚孝道之遺風也又祭畢其牲羊由於祭衆共食一頭四家守墓役人分食一頭正副族長各食一頭府人分食一頭此殆古人分食餽餘之遺典也

案大清會典謂凡墳塋饗堂世子以下至輔國公皆三間貝勒以下門一又貝勒以下施朱不繪用甌瓦又凡固倫公主墳塋規制視世子郡王和碩公主視貝勒貝子縣主郡君縣君視鎮國公云以此觀之根札布多爾濟爲土謝圖汗固山貝子爵其饗堂三間欄墻三門實依國定典章所築成非冒然也惟其各墓先用硬靛砌成長方形之平

台台高可二尺台上復用孰壘作圓頂形狀似饅首即所謂寶頂是也復用南紅土和以石灰將寶頂塗成紅色不畏風雨剝蝕獨無碑記銘文可考亦一憾事也又謂貝勒貝子守塚人六戶和頤公主即主視貝勒貝子今美岱尔老墳僅有守塚人四戶其姓為李董孟韓原皆滿洲籍人今已入蒙古籍四姓之中以董姓戶口最旺以孟姓最為衰落觀此典章似為鎮國輔公之墳墓考公主府先人自額琳沁被奪王爵以後清廷除以貝子爵降封根札布多尔濟外並封根札布之次曾孫名汪慶多尔濟者為輔國公爵詳見本志世系沿革編或以為此墳係汪慶公爵之



葬所第以無碑碣之根據故亦未敢必焉茲錄其疑以待  
後人之推證

### 新墳

墳在府東南四村水地之黑昌圖村東南三里許窆子梁巔梁  
由東南向西北行土人亦名之為南梁詳見本志山川編梁巔  
有天然窆子十二窆口向上如窆子然墳居衆窆之中或謂為  
風水最佳之吉地也墳苑有甃墻饗堂制同老墳有墓二一葬  
威勤公德穆楚克多爾濟一葬其子那森多爾濟威勤公墓前  
豎有神道碑一碑文詳見本志金石編墓制亦同老墳惟較老  
墳略顯新鮮其名之為新墳者殆以此也

逸聞錄威勤公於薨後不葬老墳嘗有江南相地術士自京師來道術甚高言黑昌園嘗子梁上有天門十二若於此處營塋其後輩子孫必高官相繼云云爰由公之子名那森者重建新墳於此又那森多爾濟為余之堂兄也德公薨後由堂兄襲貝子爵堂兄薨後亦葬於新墳德公之脚下

案那森多爾濟為德威勤公之長子故於德公薨後由那公襲貝子爵而那公薨後即葬於德公脚下者良有由也逮至民國初年外蒙成立共和國體那公嫡子名綑楚克多爾濟者被邀北去共贊國體及今未嘗南來故此新墳苑中僅葬德那兩世貝子別無其他墓封至於德那二公

之生年卒日及其平生業績皆詳世系沿革編內此處弗詞  
贅焉

太平莊墳

墳為公主府大府之先人葬地在府東南四村水地之太平莊  
村西南半里許墳地闊約二十畝墳院僅存土基饗堂三間餘  
制均與老墳同苑內墓堆甚多悉為土墓其數不可稽惟最上  
一墓為靛製制與德公墓同第不豎碑石傳為大府祖人舍達  
多爾濟之葬所也祭儀亦同老墳牲羊二隻守墳者為臨時僱  
役

逸聞錄自從八戶分產自守以後各自營塋分葬大府墳在

太平莊之西南距村僅半里許每祭用羊二頭祭畢以半頭賜看坟人其餘則自食之看坟人每年臨時覓僱其工資由太平莊之渠頭處開支

案倉達多爾濟為根札布多爾濟及和碩格格之長子分居以後名為大府襲二等台吉其詳見於世系沿革編二等台吉位近輔國公爵大清會典謂世子以下至輔國公饗堂皆三間又貝勒以下施朱不繪用甌瓦故倉達之墓施紅寶頂且築有饗堂三間者良有據也惟其守墳役人終以台吉非正式爵位而朝廷固未明文規定則亦只可酌情僱用之焉至其祭期亦在清明節七月十五十月初

一及十二月十五等三節日耳祭時由大府主事人率領  
本支晚輩逕往掃祭之其與合族之祭老墳及新墳者為  
別一事也

### 新莊子墳

墳在四村水地新莊子村東南半里許為公主府三府祖人車  
登多爾濟之葬地首墓甄製制同倉達之墓墓下土墓壘壘悉  
為車登之後人墓也初建饗堂三間今僅存一間矣墳院寬如  
大府之墳院僅存頽垣掃祭亦分四節牲羊二隻儀同老墳

逸聞錄惟三府坟在新莊子村側又其牲羊初為兩頭今改  
為一頭矣又看坟院原有三廳今所存者僅一廳矣看坟人

董姓為老坟看坟人董姓之同支也常年居住坟院

崇德將軍為公主府分居以後第二門車布登多爾濟之  
後裔其老墳及新墳皆為二府祖人之葬所逮滿清末葉  
德公之孫綏楚克多爾濟北歸庫倫主持外蒙共和國政  
務時至今日未嘗南來故此新坟苑內下及那森多爾濟  
再無續葬者至於車登多爾濟迺三府之祖先人也襲二  
等台吉爵其墓紅寶頂饗堂三間者以其爵近輔國公耳  
惟其牲羊改為一隻弗曉理由安在意者以為三府後人  
多居庫倫而留居此地之人口無幾因於無形之中減少

祭儀云尔

美岱爾墳一

墳在府東南四村水地東西二美岱爾村之中間墳苑闊約五畝餘墳院僅留殘基苑西建饗堂一間今有守墳役人常住其中首墓甃製紅色寶頂制與車登墓同此五府祖人貢卜多爾濟之葬所也甃墓脚下土墓頗多乃五府後人之墓也其祭節祭儀一如前紀惟牲羊一隻守墳者亦為臨時僱役

逸聞錄五、六、七、八府墳地皆在美岱村側五府墳園有看墳小院一所由臨時僱用之看墳人居住又牲羊一頭祭畢自

食之

案公主府自分產析居以後根札布之第四子出當喇嘛  
未娶無嗣故其名為八府實則僅有七戶而已其散見世  
系編內故其坟苑絕無四府之墓者良有以也惟貢卜多  
爾濟固亦二等台吉爵近同輔國公其饗堂一間牲羊一  
隻者殆亦後人所減乎



美岱爾墳二

老墳西約半里許有六府墳苑首墓紅色寶頂輒座基為六府  
祖人察布干多爾濟之葬所也輒墓以下有土墓甚多為察布  
干之後人墳墓坟院饗堂頽廢無遺其狀悉如貢卜墓制逮察  
布干之孫名德瑪者殘殺大府人名依勒更觸動府人公憤乃  
將六府裔人逐出府籍自此墓前蕭條無人埽祭之矣  
逸聞錄六府坟園嘗築一院因德瑪行兇殺人族人不能容  
忍驅出府籍於是六府坟墓無人埽祭其坟院亦漸圯坍不  
修又原有牲羊一頭今已無矣

案德瑪殺人之事詳見世系沿革編此處不詞費焉嗣至

德瑪之孫輩有名有子者出為巴依力圖之嗣孫六府裔  
人始復府籍乃另營塋於府西水泉村東因名之曰新坟

美岱爾墳三

六府墳西里許有七府坟苑苑內首墓亦甄製紅色寶頂為七  
府祖人察丹多爾濟之葬所也墓脚下土墓甚多為察丹後人  
之墓墓周有坟院故基規制畧小於前坟東有饗堂為七八兩  
府所共用者祭時牲羊一隻祭畢自食之

逸聞錄余八府坟地實居七府坟之西邊七府坟東建有看  
坟小院為八府與七府共有之院又每屆祭時七府與八府  
牲羊各一頭祭畢各自食之

案七府祖先人察丹多爾濟為三等台吉爵在輔國公爵  
以下故其饗堂與八府共建一所其牲羊亦僅一隻而已  
固為階級所限然也

美岱爾墳四

七府坟之西側有八府墳苑首墓亦甄製紅色寶頂其頂座磚  
石今尚完整存在固為八府祖人察渥多爾濟之葬所墓脚下  
有土墓五鐘為察渥子孫之墓也墳院欄牆殘基猶存其制畧  
同七府墳院惟饗堂與七府共建一廳祭時牲羊一隻祭畢自  
食之

逸聞錄余八府坟地實居七府坟之西邊七府坟東建有看

坟小院為八府与七府共有之院又每屆祭時七府与八府  
牲羊各一頭祭畢各自食之

祭八府祖先人名察渥多尔濟者襲三等台吉爵在輔國  
公下故其饗堂墳院規制均小至其執墓以下之五土墓  
當係林達多尔濟贊巴多尔濟及阿魯特賀泰等父子之  
葬所也

### 水泉墳

此墳在府西數里水泉村東側為六府之新墳也墳苑土墓居  
多無饗堂及守墳役人掃祭一如前儀

逸聞錄今府西水泉村東六府之坟為德瑪行兇以後所營

闢並無坟院及看坟人以其後闢之故因亦名為新坟  
案德瑪行兇之事業於世系編內詳細述明惟自德瑪以  
後六府舊墓無人埽祭逮至六府裔輩復籍歸府迺遵族  
人意旨移墳苑於府西亦名之曰新墳以為別舊墳也至  
其移墳原義抑以德瑪暴行兇恣有悖先人祖訓而祖先  
墳苑勢不能續葬德瑪之子孫行輩故於水泉村東另卜  
墳地以葬德瑪以下之裔孫固亦薄懲微責之意籍做後  
之不肖者也

女兒墳

黑昌園村東南窩子梁南麓有土墻墳院闊約二畝有餘其墻

僅存殘基無饗堂及守墳役人院內土墓七鍾堆跡僅辨相傳

三世公下嫁之時各有隨從使女此墓即彼使女之葬所也

逸聞錄據家嚴傳語嘗子梁下之女兒坟原為四公主隨身

了鬟死後之埋骨處余意以為四公主固有丫鬟矣而六公

及和碩格格亦各有丫鬟耳今坟地內共有七墓似為各公

主所帶之親信丫鬟既死而後共葬於此者

案當時公主下嫁之時攜帶使女必衆而以三代公主使

女計之其數何止數十今坟苑內所葬者僅有七墓而已

佛瑞断定所葬者必係公主之親信丫鬟其語頗相近似

又有疑係威勤公之使女或有关係之女眷既死以後無

適當之葬地廼即瘞於新墳坡下以示死後眷寵之意二  
說孰是孰非並錄於此以俟後人證焉

編	頁	行	字
公主篇	5背	2	21
	6背	5	末
	15	9	9
陵墓篇	6	5	7
	6背	4	8
	7	6	15
	7	5	9
	7	7	4
	8背	3	2
	9	10	17
	11背	2	9
	13背	2	3
	11	4	末
	公主篇	11	1
陵墓篇	5背	8	倒2
	7背	7	

記	正
無下脫不	字
五下脫年	字
陞	陞
瑩	瑩
瑩	瑩
瑩	瑩
瑩	瑩
瑩	瑩
瑩	瑩
瑩	瑩
瑩	瑩
公下脫主	字
公下脫主	字
穎	穎
狀	壯
十一字下脫	國字



